

სახელმწიფო შესყიდვის შესახებ

გამარტივებული შესყიდვა

საქონლის შესყიდვა

ზესტაფონი

22 მარტი 2017 წელი

ერთის მხრივ, ზესტაფონის მუნიციპალიტეტი, წარმოდგენილი გამგებლის ტარიელ თუთარაშვილის სახით(მისამართი: ქ.ზესტაფონი წერეთლის ქ. №11 (შემდგომში – შემსყიდველი) და მეორეს მხრივ შპს „თვითმმართველობის მაცნე“ წარმოდგენილი დირექტორის ნინო კალანდაძის სახით (მის: ქ. თბილისი, მ.მაჭავარიანის ქუჩა N63, კორპ. I, ბN62) (შემდგომში- მიმწოდებელი) ვმოქმედებთ რა საქართველოს კანონმდებლობის, მათ შორის „სახელმწიფო შესყიდვების შესახებ“ საქართველოს კანონისა და ზესტაფონის მუნიციპალიტეტის გამგეობის ადმინისტრაციული სამსახურის უფროსის 2017 წლის 16 მარტის N532-43 მოხსენებითი ბარათის საფუძველზე ვდებთ წინამდებარე ხელშეკრულებას შემდეგზე:

მუხლი 1. ხელშეკრულებაში გამოყენებული ტერმინთა განმარტება

- 1.1 “ხელშეკრულება სახელმწიფო შესყიდვის შესახებ” (შემდგომ –“ხელშეკრულება”) შემსყიდველ ორგანიზაციასა და გამარჯვებულს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 “ხელშეკრულების ღირებულება” – საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 “შემსყიდველი ორგანიზაცია” (შემდგომ “შემსყიდველი”) ორგანიზაცია (დაწესებულება), რომელიც ახორციელებს შესყიდვას;
- 1.4 “მიმწოდებელი” პირი, რომელიც ახორციელებს მიწოდებას სახელმწიფო შესყიდვის შესახებ მოცემული ხელშეკრულების ფარგლებში;
- 1.5 “დღე”, “კვირა”, “თვე” კალენდარულ დღე, კვირა, თვე.
- 1.6 „საქონელი” – ხელშეკრულების მე-2 მუხლით გათვალისწინებული ხელშეკრულების საგანი.

მუხლი 2 .ხელშეკრულების საგანი

2.1.ხელშეკრულების საგანი – 2017 წლის ადგილობრივი ბიუჯეტის სახსრებით საქონლის შესყიდვა კლასიფიკატორის კოდით: 22200000(მონეტარული ზღვრების დაცვით).

მუხლი 3. შესყიდვის ობიექტი


3.1.შესყიდვის ობიექტი – საქონლის შესყიდვა გაზეთ „თვითმმართველობის მაცნის“ 2017 წლის 01 მარტის N38 ნომრის სახით (ამავე გაზეთის მე-12 გვერდზე გამოქვეყნებული, ზესტაფონის მუნიციპალიტეტის გამგებელთან ჩაწერილი ინტერვიუს(2016 წელს განხორციელებულ პროექტებთან დაკავშირებით, მოსახლეობის მეტად ინფორმირებისა და მათთვის ანგარიშის ჩაბარების მიზნით გასაცნობად)

მუხლი 4. ხელშეკრულების საერთო ღირებულება

4.1. საქონლის შესყიდვის ფასი განისაზღვრება ლარებში.

4.2. საქონლის შესყიდვის საერთო ღირებულებაა 300 ლარი (სამასი) ლარი, („ თვითმმართველობის მაცნე“-ის N38 შექენა, 100 ერთეულზე ერთეულის ღირებულება 3 ლარი, საერთო ღირებულება 300 ლარი) საქართველოს კანონმდებლობით გათვალისწინებული ყველა ხარჯისა და გადასახადის გათვალისწინებით, დღგ=ს ჩათვლით.

შემსყიდველი



მუხლი 5. მხარეთა უფლება-მოვალეობები

5.1. შემსყიდველი ვალდებულია:

- ა) უზრუნველყოს საქონლის მიღება ხელშეკრულებით გათვალისწინებული პირობების დაცვით.
- ბ) უზრუნველყოს ხელშეკრულების შესრულების კონტროლი;
- გ) მოსთხოვოს მიმწოდებელს ხელშეკრულებით ნაკისრი ვალდებულებების კეთილსინდისიერი შესრულება.
- დ) მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;
- ე) შეასრულოს ხელშეკრულებით ნაკისრი ვალდებულებები კეთილსინდისიერად;

5.2. შემსყიდველი უფლებამოსილია:

- ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.
- ბ) მიმწოდებლის მიერ ვალდებულებების შეუსრულებლობის ან არაჯეროვნად შესრულების შემთხვევაში მოსთხოვს შემსრულებელს ნაკლის აღმოფხვრა.

5.3. მიმწოდებელი ვალდებულია:

- ა) მიაწოდოს მაღალი ხარისხის ახალი საქონელი.
- ბ) განიხილოს შემსყიდველის პრეტენზიები და მიაწოდოს წერილობითი მოტივირებული პასუხი ყველა საკითხზე.
- გ) საქონლის მოწოდება უზრუნველყოს თავის საკუთარი ძალებით ადგილმდებარეობების მიხედვით შემსყიდველთან შეთანხმებით.
- დ) საქონელი მოწოდებული უნდა იყოს სამუშაო დღეებისა და სამუშაო საათების განმავლობაში.

5.4. მიმწოდებელი უფლებამოსილია:

- ა) მოსთხოვოს შემსყიდველს ხელშეკრულების საგნის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

მუხლი 6. შესყიდვის ობიექტის ხარისხი და გარანტია

6.1. მიმწოდებელი იძლევა გარანტიას, რომ შესყიდვის ობიექტის ხარისხი უპასუხებს ხელშეკრულების პირობებს და დააკმაყოფილებს შემსყიდველის მიერ განსაზღვრულ მოთხოვნებს.

6.2. მიწოდებული საქონელი უნდა იყოს უდევექტო. თუ გამოვლენილი იქნება წუნი (ხარვეზი), მიმწოდებელი ვალდებულია საკუთარი ხარჯებით (ტრანსპორტირების ჩათვლით) უზრუნველყოს აღნიშნული წუნის (ხარვეზი) აღმოფხვრა (საქონლის ახლით შეცვლა), გამოვლენიდან 5 (ხუთი) კალენდარული დღის ვადაში.

მუხლი 7. შესყიდვის ობიექტის მიწოდების ვადები და ადგილი

7.1. შესყიდვის ობიექტის მიწოდების ვადა განისაზღვრება მხარეთა მიერ ხელშეკრულებაზე ხელის მოწერის დღიდან 2017 წლის 31 მარტის ჩათვლით.

7.2. შესყიდვის ობიექტის მიწოდების ადგილი – ზესტაფონი წერეთლის N11.

მუხლი 8. ხელშეკრულების შესრულების კონტროლი

8.1. შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც საქონლის მიწოდების დროს, ისე ამ ხელშეკრულების მოქმედების პერიოდში, შემსყიდველის მოთხოვნათა შესაბამისად.

8.2. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ აცნობებს მიმწოდებელს დაწინებულ საქონლის ნაწილისა და წუნდების მიზეზების მითითებით.

შემსყიდველი



8.3. ინსპექტირებას განახორციელებს ზესტაფონის მუნიციპალიტეტის გამგებლის 2015 წლის 05 თებერვლის N 43 283 ბრძანებით შექმნილი კომისია.

მუხლი 9. შესყიდვის ობიექტის მიღება-ჩაბარების წესი

9.1. საქონლის მიწოდების მიღება წარმოებს მიღება-ჩაბარების აქტით, რომელიც ფორმდება წერილობით ფორმით და დასტურდება მხარეთა უფლებამოსილი წარმომადგენლის ხელისმოწერით ინსპექტირების განმახორციელებელი ჯგუფის დასკვნისა და მიმწოდებლის მიერ წარმოდგენილი სასაქონლო ზედნადების საფუძველზე.

მუხლი 10. ანგარიშსწორების ფორმა, გრაფიკი (ვადები)

10.1. მიმწოდებელთან ანგარიშსწორება განხორციელდება ეროვნულ ვალუტაში – ლარებში.

10.2. შესყიდვის ობიექტის ღირებულების ანაზღაურება მოხდება უნაღდო ანგარიშწორებით.

10.3. ანგარიშსწორება განხორციელდება ფაქტიურად მოწოდებული საქონლის მიღება- ჩაბარების აქტისა და სასაქონლო ზედნადების საფუძველზე 10 საბანკო დღის განმავლობაში.

მუხლი 11. ხელშეკრულების შესრულების შეფერხება და ცვლილებ(ებ)ის შეტანა

11.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ვერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

11.2. ნებისმიერი შეტყობინება, წერილობითი ფორმით, მხარეთა მიერ ხელმოწერილი უნდა გაეგზავნოს მეორე მხარეს და ჩაბარდეს მისამართზე, რომელიც მითითებულია ხელშეკრულებაში.

11.3. თუ რაიმე წინასწარ გაუთვალისწინებელი მიზეზის გამო, წარმოიშობა ხელშეკრულების პირობ(ებ)ის შეცვლის აუცილებლობა, ცვლილებ(ებ)ის შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.4. ნებისმიერი ცვლილება წინამდებარე ხელშეკრულებაში განხორციელდება წერილობითი ფორმით, ორივე მხარის უფლებამოსილი წარმომადგენლების ხელმოწერებით.

11.5. ხელშეკრულების მხარის მიერ წინამდებარე ხელშეკრულებით ნაკისრი რომელიმე ვალდებულების დარღვევა არ ჩაითვლება ბრალეულ დარღვევად, თუ აღნიშნული ვალდებულების შესრულების მიზნით, განსახორციელებელი ქმედება სავალდებულოდ საჭიროებს რომელიმე ადმინისტრაციული ორგანოს მიერ ნებართვის, ლიცენზიის ან თანხმობის გაცემას, მაგრამ ადმინისტრაციული ორგანო არ ახდენს აღნიშნულზე ხელშეკრულების მხარის მოთხოვნის კანონმდებლობით დადგენილ ვადაში განხილვას ან უსაფუძვლოდ უარს ეტყვის ხელშეკრულების მხარეს ნებართვის, ლიცენზიის ან თანხმობის გაცემაზე;

11.6. წინამდებარე მუხლი არ მოიცავს ფორსმაჟორულ გარემოებებს და მათი რეგულირება ხდება სხვა მუხლით.

მუხლი 12.. ხელშეკრულების პირობების შეუსრულებლობა (ხელშეკრულების შეწყვეტა)

12.1. ხელშეკრულებით განსაზღვრული პირობების დარღვევის შემთხვევაში ან ვადის გადაცილების შემთხვევაში მხარეებს ეკისრებათ პირგასამტებლო ყოველ ვადაგადაცილებულ დღეზე ჯამური ღირებულების 0, 1 % ოდენობით.

12.2. წინამდებარე ხელშეკრულება შეიძლება შეწყდეს:

ა) მხარეთა წერილობითი შეთანხმების საფუძველზე.

შემსყიდველი



12.2.1. ხელშეკრულება ვადამდე ადრე შეიძლება შეწყდეს:

ა) იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3 (სამ) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

ა.ბ) პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

ა.გ.) მიმწოდებელი ვიდრე არ აანაზღაურებს პირგასამტეხლოს, შემსყიდველს უფლება აქვს დააკავოს აღნიშნული თანხა და პირდაპირ მიმართოს მუნიციპალიტეტის ბიუჯეტში.

ბ) შემსყიდველი უფლებამოსილია მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას.

გ) მოქმედი კანონმდებლობით დადგენილ სხვა შემთხვევებში.

12.3. მიმწოდებელი, ხელშეკრულების ცალმხრივად შეწყვეტის შემთხვევაში გადაიხდის ჯარიმას, ხელშეკრულებით გათვალისწინებული თანხის 20 (ოცი)%-ის ოდენობით.

მუხლი 13. ხელშეკრულების მოქმედების ვადა

13.1. ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან 2017 წლის 02 მაისის ჩათვლით.

მუხლი 14. ხელშეკრულების პირობების გადასინჯვის შესაძლებლობა

14.1. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

მუხლი 15. დაუძლეველი ძალა (ფორს-მაჟორი)

15.1. მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.

15.2 მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.

მუხლი 16. დავები და მათი გადაწყვეტის წესი

16.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

16.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

მუხლი 17. სხვა პირობები

17.1. მხარეები უნაზღაურებენ ერთმანეთს მიყენებულ ზიანს საქართველოს კანონმდებლობის შესაბამისად.

შემსყიდველი



17.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

17.3. ხელშეკრულება შედგენილია ქართულ ენაზე, 03 (სამი) ეგზემპლიარად, რომელსაც აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

17.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

შემსყიდველი:

ზესტაფონის მუნიციპალიტეტის გამგებელი
ტარიელ თუთაარაშვილი
სახაზინის ერთიანი ანგარიში 3001900000
ხელშეფო ხაზინა-TRESGE22
ს/კოდი: 230087045

მის: ქ. ზესტაფონი, წერეთლის ქ. N11

ტელ: 0(492) 25 26 26

მიმწოდებელი:

შპს „თვითმმართველობის მაცნე“
დირექტორი ნინო კალანდაძე
სს „საქართველოს ბანკი“
ბანკის კოდი BAGAGE22
ა/ა №GE35BG000000783135500

ს/კოდი: 443567828

მის: თბილისი, მ.მაჭავარიანის ქუჩა N63, კორპ. I, ბN62

კიბორჩის ავტორი!

მალხაზ მჭავარიანი
ვიცალო ჩინსლოძე
ყარულ სანთლაშვილი

ნ. სანთლაშვილი
ნ. სანთლაშვილი

ხელწერილი ინტერესთა კონფლიქტის არ არსებობის შესახებ

2017 წლის 22 მს. ც.

ზესტაფონის მუნიციპალიტეტის გამგებელი და ზესტაფონის მუნიციპალიტეტის გამგებლის 2015 წლის 05 თებერვლის №43/283 ბრძანებით შექმნილი ინსპექტირების ჯგუფის წევრები ვადასტურებთ რომ „სახელმწიფო შესყიდვების შესახებ“ საქართველოს კანონის მე-8 მუხლის პირველი პუნქტის „ე“ ქვეპუნქტის თანახმად არ ვიმყოფებით ინტერესთა კონფლიქტში შპს „თვითმმართველობის მაცნე“-ს დირექტორთან ნინო კალანდაძესთან გაზეთ „თვითმმართველობის მაცნის“ 2017 წლის 01 მარტის N38 ნომრის მე-12 გვერდზე გამოქვეყნებული, ზესტაფონის მუნიციპალიტეტის გამგებელთან ჩაწერილი ინტერვიუს, მოსახლეობისათვის მიწოდების მიზნით საქონლის შესყიდვასთან დაკავშირებით.

ტარიელ თუთარაშვილი - ზესტაფონის მუნიციპალიტეტის გამგებელი

1. ვახტანგ ღამბაშიძე (სამუშაო ჯგუფის ხელმძღვანელი)-----
2. ბორის ჭიჭინაძე (სამუშაო ჯგუფის წევრი)-----
3. ანდრო რობაქიძე (სამუშაო ჯგუფის წევრი)-----
4. ზურაბ სირდაძე (სამუშაო ჯგუფის წევრი)-----
5. თეიმურაზ ფერაძე (სამუშაო ჯგუფის წევრი)-----
6. ერემია სალაძე (სამუშაო ჯგუფის წევრი)-----
7. ნატალია სამთელაძე (სამუშაო ჯგუფის დროებითი წევრი)-----